



Sensibilité politique  
Boîte postale 83  
L-7201 Bereldange

Här Fernand Etgen  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, den 21. Dezember 2018

Här President,

Sou wéi den Artikel 83 vun eisem Chambersreglement et virgesäit, bieden ech Iech, dës parlamentaresch Fro un de Minister fir Mobilitéit & Bannenzeg Sécherheet weiderzeleeden.

An der Chamberssëtzung vum 18.12.2018 huet den Här Minister ugekënnegt, dass Streckeradaren op engem Ofschnëtt vun der N11 placéiert solle ginn. Dës Form vu Masseniwwerwaachung werft eng ganz Réi vu Froen op hisichtlech der Legitimitéit vu dësen technologesche Kontrollmechanismen am Kontext vun individuelle Perséinlechkeetsrechter.

An deem Zesammenhang wéilt ech dem Minister dës Froen stellen:

- Opgeschlësselt no Joer, wéi vill Accidenter gouf et op dësem Streckenofschnëtt? Wéi eng Aarten vun Accidenter goufen op dësem Streckenofschnëtt ermëttelt?
- Gi bei deenen ugekënnegte Streckeradaren all Stroossegefiierer ab deem éischte Kontrollpunkt erfaasst a nom zum Verloosse vum Miessungsinterval an enger Datebank gespäichert? Falls jo, op wéi enger Speicherplaz ginn d'Donnéen gespäichert a wéi eng Aart vu Verschlësselung gëtt dofir benotzt? Ass eng Läschtung vun den Donnéeën am Aklang mam Artikel 17 vum Reglement vum Dateschutz virgesinn?
- Däerf d'Police oder de Geheimdéngscht am Kontext vu Fahndungen oder anere Recherchen ob d'Daten vu Radaren zougräifen? Däerfen dës Déngschter Bewegungsprofiler mat dësen Daten erstellen?
- Wéi rechtfäerdegt den Här Minister de Fait, dass all Privatpersoun duerch des Streckeradaren ënner Generalverdacht gestallt gëtt, ouni dass am Viraus ee konkrete Verdacht vun enger Verkeiersinfraktioun bestanen huet?
- Ëm wéi een Ofschnëtt vun der N11 handelt et sech konkret a wousou gouf dës Streck ausgewielt?

Ech verbléiwen an déiwem Respekt,

Marc GOERGEN  
Députéierten

[www.piraten.lu](http://www.piraten.lu)

#lëtzebuerg2018